

寧武府志卷之九

祠廟

寧武府

社稷壇 在南關河外雍正三年建壇廣二丈五尺高二尺一寸陞東南西各三級無封樹

風雲雷雨山川壇 在北關山坳雍正三年建壇

基廣高與社稷同無封樹

先農壇 在郡東門外教場東北雍正五年署寧

武令太原府西糧同知董泗儒奉文建壇制與

寧武府志

卷之九

祠廟

一

山川社稷同大殿五間門樓一座左右角門二

農器庫二間官廳二間壇傍地四畝九分以爲

田季春亥日郡縣官九推行事如制

八蜡廟 在府東關外

厲壇 在郡西關

城隍廟 在府治西北華蓋山之陽

寧武縣

風雲雷雨壇 社稷壇 厲壇

右三壇皆附府壇內

縣城隍廟

附府城隍廟內

三皇廟 舊在東門甕城乾隆七年三月知府魏

元樞建

風神廟 在南關河南山岡

火神廟 一在北城一在教場

河神廟 一在南關一在東關

旗纛廟 在火神廟東內

忠烈祠 一祀明總兵李涑守備陳經一祀總兵

寧武府志

卷之九

祠廟

一一

丁璋遊擊周宇今俱廢併祀于新建忠義祠

忠義祠 大門一間祠三間乾隆五年知府魏元

樞建內祀明李涑陳經丁璋周宇周遇吉等及

國朝殉難寧武兵備金元祥太原中糧同知張

國賢副將李吉

節孝祠 在南關內祀周遇吉妻劉氏寧化千戶

潘政妻施氏生員廖鈞妻李氏民陳大勳妻姜

氏

周總兵廟 在府署西祀明山西三關總兵

吉

北極廟 在華蓋山關壯繆廟東

馬神廟 在北城

倉神廟 在萬億倉東

龍祠 郡城四郊多有之

汾水神祠 在三馬營西北山間俗稱聖母廟

分水嶺海神廟 天池元池各一祀二池之神廟

蓋隋時所建也

寧化城隍廟 在堡內

寧武府志

卷之九

祠廟

三

臺駘廟 在寧化城南二十餘里定河村鄉人至

今祀之

蚰蚘廟 在寧化南

偏關縣

社稷壇 城北一里許

風雲雷雨山川壇 城南里許

先農壇 在社壇傍

厲壇 城北半里

城隍廟 在縣署東規模肅穆穆君神像二元時所

祀者明成化十八年重修自縣城外老營堡馬
站堡水泉營並有城隍祠

李牧廟 明時建在老營堡久廢

關壯繆廟 在城西北里許環山帶河多古松栢
爲邑中勝處元時有碑云神常示靈異保城却
敵跡甚顯明代屢葺焉

旗纛廟 舊在縣治東北明天順中守備錢能建
康熙四十五年叅將金宏聲者更以明都察院
行臺廢署改建之稱爲武廟而舊建者今爲火

寧武府志

卷之九

祠廟

四

神廟廟下卽明時神機庫也

三皇廟 一在縣治南明正德中總兵郭瑾建一
在南關高崗上亦正德中建

眞武廟 在縣治東北規製宏整明正統二年都
督李瑾建

北嶽廟 在西關與龍神廟皆兵備葉清於明景
泰四年所建者

馬神廟 在火神廟側明成化六年巡撫李侃建
正德十三年九月武宗駐蹕其處封其神爲廣

禪侯云

忠義祠 雍正五年知縣江楊瑁建內祀明忠臣

江梅孝子杜登第義士賈三光等三十九人

國朝孝子韓萬善趙至等十四人

節孝祠 知縣江楊瑁建內祀明及 國朝節婦

王氏等四十一人

魯班祠 在西關

神池縣

社稷壇 在西門外

寧武府志

卷之九

祠廟

五

風雲雷雨山川壇 在南關

先農壇 在東門外

厲壇 在縣西關

城隍廟 在舊堡街

文昌祠 在北城下

忠義祠

節孝祠 俱在南門外

眞武廟 在利民堡城西北上外瞰崇山邊墻如

帶南俯全城

五寨縣

社稷壇 在城南半里雍正十一年知縣劉耀珪
建

風雲雷雨山川壇 在西關外

先農壇 在東關外雍正六年知縣董泗儒建

厲壇 在城關東北隅

城隍廟 在城西北明洪武初建崇十六年重修

廟中石碑一 國朝雍正六年忽朗潤有光可

鑑人以爲異因呼爲照膽碑

寧武府志

卷之九

祠廟

六

文昌祠 在東關街

關壯繆祠 一建於洪武初一在城北街乃春秋

所祀者

北極廟 在彌陀寺東

火神廟 在城南

唐鄂國公祠 在殿坪山峻極處塑像威嚴若生

龍神廟 東西關各一

馬神廟 在城隍廟東

忠義 在彌陀寺西 明 聯芳指

麟叅將邱陞

節孝祠 在馬神廟東祀明節婦潘氏 國朝節婦貢生張溥妻賈氏等五人

人神之相 久矣自諸杜 頗見於周末而叢思日興至乎後世多不可紀越禮背常匱民財長奸亂而風俗益敝可勝難哉是以古爲吏者毀淫祠禁非祭蓋欲導民知義而正其邪慝惜乎守令之屬無能盡如是或反牽於禍福任民爲之而莫爲約止豈非王制所甚惡乎寧武

寧武府志

卷之九

祠廟

七

雖邊郡觀其祠廟其不在祭法與民所不而祀焉者類亦多有而鐸老之宮猶不與焉志盡列於篇殆亦視爲宜然而不復知其可雖然其 於鄙俗不經里夫婦所拜而走者寧有不可使沒必簡牘是從乎今志壇廟唯社稷先農大厲山林川澤之神及有功德主守爲民物師與載在令甲者必謂悉宜籍記故不作長安市肆簿耳

寺觀附

延慶寺 在府署東山麓建於明時內有牡丹二株春夏之交雜卉爭發可以遊賞寺門外望繞郭諸山周環擁秀城中萬瓦皆在俯觀郡中寺此爲大者

禪房寺 在縣東北二十五里禪房山

聖壽寺 在寧化堡南關其地卽隋汾陽宮之舊寺建於金時

清居禪寺 在馬頭山

中山寺 在寧化北天池水由寺傍山

寧武府志

卷之九

祠廟

八

回春寺 在回春峪

清泉寺 在寧化西四十里郡城東關亦有清泉寺

萬佛洞 在西關外五里土山間洞內多佛皆長尺許郡人爲出遊所

朝陽洞 在寧化城南二里亦名萬佛洞有僧居之

朝元閣 在管涔山朝元峯上金元裕之詩天池一雨洗氛埃全晉堂堂四不上朝元峯北

頂眞成不到此山來

呂祖閣 明萬 末兵備龍某所建以爲寧武人
旱禱者地至康熙壬戌中糧同知李文煥修之
其後同知蔡珍復修文煥珍及雁平道張伯祥
皆有碑閣在城東南山上

魏志職官無龍某者蓋久佚矣

上寧武縣

隆崗寺 在城東南隅古名隆崗禪院有碑盡剝
其可辨者惟唐總管絳州龍門郡薛臯十字而

寧武府志

卷之九

祠廟

九

已金皇統元年重修舊有石塔存記明宣德三
年釋定遠重修曲廊峻殿樓閣凌空

鐵佛寺 在城內舊傳唐開元時有鐵佛來止於
羅漢坪人因建寺迎佛於其中寺以此名

九龍寺 見古跡中

壽昌寺 在城內東北隅元代寺也建於至正中
月空寺 本圓對菴也明嘉靖中釋月空建此以

貯藏經人因呼菴爲寺而即以月空名之

永安寺 古刹也明天啟六年重修

鳳凰觀 在關西五里或云宋元祐中鳳集於
因造觀金時重修元至明初觀尚存成化三年
道士皆遭虜患遂廢後改爲釋迦寺環山古栢
多至五百餘株清泉石壑草碧苔幽最爲勝處
白龍洞 城東北六七里山中有大石自成舍字
壯態奇巧山間迴環盛夏忘署山坳建白龍殿
右爲羅漢洞懸溜響空後有石沼昔年白龍興
焉

寧武府志

卷之九

祠廟

十

宇清迥元至正中建明成化中重修

上偏關縣

興華寺 在本堡西南街明萬 二十二年建

利民觀 在堡內

上神池縣

瑞雲寺 在城西三十里雪山中唐貞元十二年
建今廢惟石榻存焉

白雲寺 秀峰寺 紫峯寺 金佛堂並在蘆芽
山今皆廢

經堂寺 在城東三十里元至元大年建今

清漣寺 在城東南六十里清漣河側石上有佛

足跡

石佛寺 在城南六十里崖石天成

觀音寺 在城南三十里大辛庄金太康五年建

峯臺寺 在城南五里建於明萬 中稱邑中名

勝

小天澗寺 乾元寺 太子殿

並在蘆芽山

寧武府志

卷之九

祠廟

十一

上五寨縣

已上壇廟寺觀志多失載其建造時代歲月蓋
有訪之不得者今仍其舊

風俗

寧武之俗與緣邊諸郡太抵多同者云其山阻積憑凌怒無廣川巨流以疏其鬱塞而地處高寒四時多風飄勁烈水淤濁含剛辛之性民生其間稟方隅之氣以少長飲食乎是其喜怒好樂羣相習焉而成乎自然至於久而不能變蓋地氣然也上世雖常爲州縣然反裘而衣射生逐獵往往亦雜於戎虜方明盛時設三關屯重兵而偏頭寧武爲要地將領偏裨多

由戰鬪起軍伍乘馬衣錦佩印而食祿卽彎弓持戟之士亦不俟耕田力作率得自飽人多化之故矜勇尚武常不樂農而好入兵籍中亦天性然也國家并偏頭寧武置之爲府統四縣設長吏以治顧其存乎閭里者猶有明之餘風然自太原而北忻代大同朔州之人類多狙猾寧武介其中雖椎野朴鈍猶號淳質至於尚氣少通悍忿輕死其愚且僂哉雖教勸之終不可得止四縣之地旣瘠而少田田多在山上鮮

灌濯之利故農人歲耕所獲蓋少大半仰食外
穀雖果蔬亦然又無桑柘麻枲故其人艱於衣
食然丈夫或敝緼不完其婦人出必曳綾絕紈
縠不獨裕乎貲者然卽不如是恐衆且相笑斯
其尤敝也郡旣邊鄙僻處少大姓富家產千金
以上便號爲魁雄乃嗜利孽孽較錙銖尤甚其
以財爭者雖至微細必訟諸官官府每受牒十
八九率錢利事屢訴不厭焉民旣多貧安其服
食物用之陋故郡郭列肆無幾貨希而價昂若

主闐闐半猶傍郡人寧武人邑居者往往隨而
拙於計執工技者或作爲弓矢馬鞍遠之歸化
綏遠諸城鬻藝於軍營或無地以耕亦多去家
出佃塞外其五寨神池民性視偏寧尤悍然頗
多力本而偏關較三縣俗尚稍華好治服飾送
死尚浮屠法疾病信祈祝不貴醫藥五寨亦如
之凡婚大抵必計貲女子皆早嫁十四五已有
抱子者矣或不省織紡是以貧者愈困俗旣尚
武輕詩書故由科第入仕者常少士人旣

生足以持門戶往注意滿轉去逐什一自豪鄉
里無復修業求進唯偏關自明 治初已立學
校服教最久文雅常優於他縣焉夫 乎地者
謂之風成乎民者謂之俗民各囿於其方而無
以自變唯善爲治者庶幾優柔遷遵相與移易
雖然豈一日之效哉其候常寒且早終歲多大
風唯五月後至中秋初則少殺季春孟夏時尚
雨雪且日晴霽郡郭諸山嵐氣蒸吐觸之若瘴
其種宜苽麥字書無苽字蓋
俗文云如油葉似小麥而弱粒

細而長播之寒土則易熟故百畝之田種者十
八九寧武人謂食之有力能使腹飽日一哺可
不再食矣其餘歲時祭祀饋問讌飲嬉戲之節
如他方而郡中婦人每中元日必盛爲粧飾
傾城出就郊野合其媿姪藉草羣坐張裙成幄
飲酒權笑及夕乃返聞諸父老蓋亦沿明代之
舊云

魏志云訪之居民數十年前婦人雖富家妻衣
不過布素自雍正中西北用兵百姓貿 貨

與挾一技以往者多飽 歸爭以其資悅婦人
比戶相耀於是被綺羅者幾十五六矣至其所
載方言及諸月節事歸熾鄙無繫風俗之大今
皆不錄

物產附

寧武毯 擇羊毛而溫練焉治以爲線染以五色
織紋縱橫旣成則螭龍花葉之形陸離宣耀大
者地衣小而坐裯隨尺丈唯所製毯工多軍人
爲之或云其法傳自外番中以貽四方人稱珍

焉寧武所獨有故名寧武毯凡一毯用支數十
年可不敝然爲質頗重其大者難於攜持或一
毯費兩馬馱也

魏志引元史朔州毛子局有大使等掌織花毯
豐州亦然殆卽此類

包金土 魏志云石所化也色類黃金畫工取以
絢采四邑多有之

魏志謂石所化蓋燒石成之者

白土紫土紅土白土以 壁鮮若 粉紅土紫土

皆飾治舍 之用

紙 寧武偏關皆造之然其理粗不及蒲州者

魚 出大小天池唯鯉與鯽寧武人不能漁也每

歲四五月召太原人至網取焉非其時則不可

取魚大者長尺餘鯽視鯉尤美

石雞 生山中似雞而小赤喙褐衣有黑班人捕

食之

花豹 生山間似鷹而鈍色黃白黑班如豹能食

蛇

寧武府志

卷之九

風俗

十六

夜猴 犬形較鼠頗大色蒼善捕鼠

甘草 出神池利民最良他產無若此者

古之爲志者記其物宜以利民用然品庶甄類

必各因其方故禹書九州厥貢殊列爾雅述美

四隅異稱未聞后稷嘉禾神農百草西陵蠶種

並舉雜籍于其中誠以所產者同非獨有之爲

貴若夫禽經本草卉譜農書瑣濫鋪張實乖此

旨今採九物足盡郡產使人得指名記毯及

用所資也民業 也花豹夜猴則記之者爲

去物害也土何爲記周制四方諸侯各以方色
貢土於天子而爲之社郡有社稷故重土也其
記魚何也北方無魚而物有以少爲貴故記之
也

古跡

寧武縣

古長城 在樓子山上有古長城遺跡明正德中
兵備張鳳狃立石山下曰紫塞長城或疑爲六
國趙時所築之舊

古襄陽城 太原志云在靜 縣北九十里古寧
化軍南遺址微在

林溪鎮城 在林溪山下世傳隋煬帝避暑處金
天會間卽其地改爲聖壽寺

寧武府志

卷之九

古跡

十八

隋汾陽宮 在縣西南六十里卽林溪鎮城處

古樓煩關 在寧化南靜樂界

天池故城

元池故城 並唐李克 置者

汾陽故縣 六度故縣 並唐築

用武池 高齊于此大 因名崞縣志稱在寧武
關魏志云疑卽天池是

天池監牧 元池監牧 樓煩監牧並唐時置使
牧馬處自樓煩關以 今皆無跡

橐蓮臺 在縣東北二十五里兩鎮三 志云今陽方口河西高山謂之橐蓮臺世傳宋王侁望楊業兵處朔州志亦載之唯崞縣志但記臺名不言王侁事考元魏滅赫連氏遷其子孫散處雁門代北依山谷以居故其地有赫連臺所云橐蓮或是赫蓮之訛

宋摩崖題名 在樓子山崖題云元祐^缺年秋七月己卯文思副使知寧化軍事太原王餘應定山與前朝奉郎通判軍事汝南趙審道同遊樓

寧武府志

卷之九

古跡

十九

子山飲於漏崖之足以觀汾水之源酒酣公爲安懿王泠瓏之琴以撫秋思之美旣闋而奏雪中松之曲是行也部吏劉喜王錫魏廓陸思誠鞏裕李昌言秋球榆次尉石伯倫預焉洛陽鞏裕書
右依魏志書之爲安懿王泠五字疑筆跡稍泐文有訛隱若王當爲玉泠當爲玲餘三字則未詳也

偏關縣

偏頭故砦 北漢劉鈞天會 立 子韓光

東在今縣東一里上有古城遺跡卽砦之舊也
砦廢於宋嘉祐六年

吳城 俗傳吳王城不知其所自通志云故址在
縣南三十里

九龍寺碑 在縣西北四里舊傳唐尉遲敬德所
造寺址與碑石今尚

魏志偏關古跡有 寧縣依通志載之而
於沿革內爲之辨云 乾亨四年宋太平興國

寧武府志

卷之九

古跡

二十

七年也時得北漢地已四年矣宋立火山軍領
六砦者是年而 置武寧縣於此者亦以是年
均此地也果屬遼乎抑屬宋乎遼之置縣不於
宋甫平北漢之時而反在宋久平北漢立火山
軍之際且又同此一地或 之誤耳觀遼志
不載可見矣此論眞足以 通志之謬第旣知
其謬則不當復以入古跡耳

神池縣

神池古城 唐時有之在今縣東址微存

五寨縣

武州故城 在縣東北三十五里明洪武九年廢
址今尚存

古尊勝幢 在縣北四十五里舊寨村路傍古廟
中庭前石柱一上有石爐柱凡八面刻云唯壽
昌二年二月十五日立佛尊勝幢壽字中泐惟
上下可辨魏志云古無壽昌之號疑是北魏孝
昌二年也制頗奇古字皆雙行一中國書一爲
西域梵書千數百年物也

寧武府志

卷之九

古跡

二十一

韓信洞 在縣西四十里

此韓王信耳韓王與匈奴犯漢邊兵敗走此
遼石表 在縣東北大辛庄上書大遼武州寧遠
縣字

觀音寺塔 遼道宗太康五年建今與石表俱存
或云寧武古跡有小平城引明尹耕三平城考
謂古平城有三一在大同漢祖所登者一新平
城代猗盧築一日小平城亦古城秦蒙驚之所
拔夫史記明云蒙驚拔狼孟 城等二十七

定太原郡絕無小平城者以新城爲卽小平城蓋諸家之誤樂氏括地志亦勿能辨而承其說耕遂謂爲信然按北魏書拓跋氏築新平城晉人謂之小平城是本一也然固不在寧武耳若魏志謂止有兩平城而訛耕所論之失則又不然古固有三平城其一隋置屬太原郡耕特勿之知也偏關古跡有昆新城城自居塞外又有周宇文泰故居則徒爲假飾者神池古跡有新城謂齊神武送蘭陵公主處隋末劉武周據此

後唐李克用生神武川之新城亦卽此考唐書及五代史並云沙陀朱邪執宜降唐唐居之鹽州後范希朝鎮河東詔執宜從之希朝居執宜於定襄神武川之新城夫唐初置定襄縣屬雲州雲中郡則今大同府地何緣指爲神池又有黃花堆欲以今黃華嶺當之謂唐元和中朱邪執宜保神武之黃花堆卽此不知執宜所保正元魏猗盧築城處所云灑水之陽黃瓜堆者是正在雲中與五代史所載其地正合而劉武

所據與高歡送公主處並在是所也於五寨古
跡有蕭刺史亭臺完顏 住寨則又皆課虛無
而責有者晉人不云乎所經之處多記舊跡熟
歷之邦抗言往事流連憑弔有未能妄者焉然
載筆者徵實爲歸不經奚取故凡於或者所陳
咸加剖析他若孟姜石窟尉遲鐵爐塚有蒯通
居稱班氏與夫柳川駕說於開平明妃留恨於
足跡若斯之類未見宜書聊別區之使附餘錄

塚墓附

明斤部尚書萬世德墓

在偏關賀家梁

明沂水知縣盧傳甲墓

在偏關南城外

明永明知縣門第新墓

在偏關城東玉皇廟梁

明游擊將軍梁平梁汝貴墓

在偏關馬梁村

明景州學正楊樹元墓

在偏關城東

明游擊將軍王前士墓

在偏關城東

明太子太保三關總兵周遇吉墓

在寧武城東

關河外原上

清太原中糧同知李文煥墓

在府城南三里

兒梁卒官葬此

清衢州知府楊皇正

偏關新庄村

清靜安知縣楊泰

新庄村

寧武府志

卷之九

古跡

二十四